

兩
浙
名
賢
錄

兩浙名賢錄卷四十七目次

文苑

明

漫吟先生金仲孚信

子聲附

布政使陳博文約

弟綱釋編附

吳文可景奎

夏義捐

劉佐張羽周倬沈貫附

唐處敬肅

子之淳蔡肅毛鉉附

鶴岩先生楊仲彰市

子觀敬附

草澤閒民劉坦之履

監察御史黃叔暘禮

守黑子夏中甫時

弟中子中聯附

教讀平仲微顯

好宜附

永新令烏繼善斯道

子熙附

國子助教趙本初似

鄭教授本中

子復言
雍言附

長史墨宗吉倫

清節先生王用賓賓

白衣巡撫汪陽復一初

按察僉事時季照銘

滄江散人徐方舟舫

教授凌彥紳雲翰

黃思銘

馬浩淵洪

王修德

郭士
淵附

王百源淮

湯胤繼
張楷附

視蕪州宗善

給事中許廷慎伯旅

檢討周維翰翰

吳琬

葉維新銘臻

斗南先生胡虛白奎

沐陽尉周伯器鼎

大理少卿楊復

蘓秉衡平

弟正附

司經正字顧存誠

附 岑莹

禮部主事王希範洪

大理寺卿夏季爵時正

劉士亨泰

進士張廷玘琦

禮部尚書倪克謨

監察御史姚公綬綬

劉邦彥英

趙廷玉霍孟賜俞鳴玉附

兵部主事羅邦彥信佳

附 子緒

石城訓導魏達卿儻

釋冠道人徐延之伯齡

司理戴孟常經

弟繪附

稼翁洪唯卿貴

父性附

司訓沈明德宣

都司馮周天雨澤

劉季俊杰

翰林院修撰錢與謙福

文學童子王淞

莫仲璵璿

吳文英騶

叅議吳維新鼎

太常卿吳仁甫惠

陳用明鑑

文學郎仁寶璜

桂林守華仁卿愛

朱元素朴

沈用之賓國

提學副使陸奉之鈺

施進士佩

孝廉沈士明燭

弟炤子
士立附

翰林編修王慈賢楫

尚寶卿戚希仲元佐

諭德姚維東沐

大理寺卿沈遼伯玄華

文介先生支心易大綸

工部侍郎蔡子木汝楠

同知范孔嘉言

彭轄附

沈懋學仕

孝廉王茂成養端

陳山人霍

項子瞻元淇

弟元汴附

田督學汝成

按察僉事楊汝承祐

江西布政徐子與中行

徐文長渭

翰林院修譔沈懋孝

方太守九敘

袁州司理徐茂吳桂

太學茅樺廷翁積

恭議縣明卿國倫

贈工部郎中沈澄夫泳

子

光祿署正卓微甫明卿 東臯子殷方叔仲春
吳少君孺子

兩浙名賢錄卷四十七目次終

兩浙名賢錄卷之四十七

東海徐象梅仲和氏謨

當湖呂濬巨源氏閔

文苑

明 共百十二人

漫吟先生金仲孚信

子聲附

金信字仲孚，金華人。穎悟攻詩。從楊維禎游，往來吳越間，每至山水佳絕處，輒吟嘯終日。詩飄爲浦部使者以茂才舉，不應。歸隱金華之優游洞，以詩自娛。學者稱爲

漫吟先生有春草軒集傳於世子聲字伯鏞亦能詩與
袁仲仁陳大有輩皆以風流儒雅能詩聞於時號十木
子云

山西布政使陳博文約弟綱釋緝附

陳約字博文嘉興人貫綜百氏以能詩名弟三人綱字
簡文釋字思文緝字熙文以家學切磨善言名理間爲
詩歌友于唱和如埴篴然而綱尤有聲元季之亂放情
湖海與楊蔗夫顧仲瑛輩以詩麀唱有竹林集約應聘
官大理卿終山西布政使

吳文可景奎

吳景奎字文可金華人。酷好爲詩。常游山澤間。方苦吟而雨至。雨濡其衣。弗知也。其所著集曰。約房樵唱。宋濂爲之序曰。公以雄逸之資。濟通明之識。著於篇翰。規倣風雅。鼓動江山之氣。發揮造化之微。味玄酒於周庭。襲懸藜於梁苑。雕龍綵鳳。不足爲之麗。衝飈激浪。不足爲之豪。其懷惋也。則孤猿夜號。松露初滴。其雅馴也。則冠冕佩玉。儼趨廟廊。由其才無不兼。故體無不備。讀之者如入玄圃而觀明月。木難之珍。如登崑丘而觀天禾。陶

芝之貴誠可謂擅名作者之林。競爽稅文之場者矣。其爲名家所稱許如此。

夏義甫

劉佐張羽周倬沈貫附

夏義甫鄆南人。少以孝行稱。博學好古。值勝國兵亂。築室天目杜門。隱居者四十年。與劉佐張羽周倬沈貫諸君子相爲師友。每有得輒爲吟嘯。又善繪畫。作天目山房圖。筆墨簡澹。力追作者。至今寶之。

唐處敬肅

子之淳蔡庸毛鉉附

唐肅字處敬。山陰人。洪武初召至京師。纂修禮學。尋擢

應奉翰林文字、眷注隆重、已而罷歸、卒、肅博學工文、辭
與姑蘇高季迪、楊孟載並稱於時、所著有丹崖集、子之
淳、字愚士、潛心著述、同時蔡庸、毛鉉、錫績俱有詩名、而
之淳爲稱首、以方孝儒薦、官翰林侍講、嘗集古今治亂
爲書、將獻之、不果而卒、所著有穀齋萍居二集及文斷
十卷、

鶴岩先生楊仲彰甫

子獻敬附

楊希字仲彰、東陽人、性穎悟、刻志於學、早從陳樵游、後
登黃潛之門、文辭典雅、操筆立就、二公皆愛推焉、洪武

初聘爲義烏學官。膺薦上京。辭歸杜門。益以著述爲業。所著詩文有百一稿。無逸齋稿。又輯元詩爲正聲類編。總若干卷。學者稱鶴岩先生。子璵璥俱能詩。璵嘗補金華賢達傳。爲士林所稱。

草澤閒民劉坦之履

劉履字坦之。上虞人。少貧力學。有詩名。至正末。避亂水。平山。自號草澤閒民。洪武初。被召至京。卒於會同館。嘗做朱子傳註。補註選詩爲風雅翼十四卷。行於世。

監察御史黃叔暘和

黃昶字叔暘義烏文獻公潛之曾孫也受業宋景濂之門能古文辭以春秋領鄉薦肄業成均時纂修大明日曆詔選天下俊彥有文者二人考義繕書昶居一焉昶見上西苑慰問良久且曰爾何人之裔宋濂對曰文獻公潛昶曾祖也上悅遣侍臣出上方綺裘革履以賜之學士承旨詹同偕宋濂侍上燕同被酒而還愛昶有逸才賦詩贈之聞於上上卽和同詩命宋濂書之以賜昶朝士以爲榮未幾任王府伴讀三年歸省宋濂賦詩十四章送之起拜監察御史卒

守黑子夏中甫時

弟中孚中曄附

夏時字中甫上虞人博學善屬文已而失明自號守黑子與二弟中孚中曄唱和爲文一篇成輒命筆之次而成編曰守黑稿

教讀平仲微顯

子宜附

平顯字仲微仁和人博學多聞風流蘊藉詩文皆有典則書法深穩可尚黔國沐公重其才辟爲教讀卒所著

有松雨齋集子宜亦能詩仕終蒙化府通判

錫孟熙績

子師邵附

續字孟然。山陰人。少負才氣。無所不學。善屬文。尤工於詩。詞樂府。與同郡蔡庸。毛鉉。唐之淳。相友善。並有文名。時稱唐鑑。毛蔡續所著有詩律霏雪。嵩陽集。斧雲集。各數十卷。子師邵亦善屬文。所著有盧胡紀遊諸稿。

永新令烏繼善斯道

子烈附

烏斯道字繼善。慈溪人。文尚體要。尤長於詩。典寄高遠。而清灑出塵。一掃元人過巧之弊。宋景濂嘗評之云。斯道之作。曠潔如明月。珠潤湧如春江。濤其實鑒於名流。有如此。尤精書法。小楷行草。各臻其妙。遠近求之。最

蒲州國初用薦起爲永新令有德政以疾去官民慕
不可得爲立祠祀之所著有秋吟稿春草齋集子熙字
緝之亦以詩文擅名

國子助教趙本初倣

趙倣字本初山陰人宋宗室也人歲能詩文指物輒賦
稍長博涉經史爲文雅潔漢賦尤擅美郡使者河中何
約按部至越聞倣名延見之縱容問諸史倣矢口而談
上下二千餘年若且行軍坐於黃狄山川形勢如其身
履者約歎曰若輩讀史不如聽趙生半日談尋登進士

時方右武儒者絀不用遂隱居明興徵拜國子助教是時典成均者皆極殊選而徵與植伯衡爲冠并云

鄭教授本忠

子復言雍言附

鄭本忠字本忠少篤學攻伏氏書鄞人元季方氏據浙東三郡擅爵祿人本忠義不食其粟杜門不仕益務記覽涵濡脩肅爲文必中矩度國初舉明經不起未幾以薦授昌國訓導遷秦府教授卒於官所著有安分集子二復言雍言復言舉永樂丙戌進士選翰林庶吉士讀中秘書預修永樂大典應制賦白鹿詩稱旨授禮部注

事陞員外郎以太僕少卿致仕雅言舉乙未進士亦改
庶吉士授中書舍人仁宗監國屢命賦詩頃刻立就
尋命署禮部尚寶司及六科事陞河南按察僉事宜
宗御極雅重其名留直文華殿日備顧問特賜給事牙
牌以便出入陞太常少卿兄弟友恭無媿家學人稱一
難云

長史瞿宗吉佑

瞿佑字宗吉錢塘人學博才瞻風致俊朗年十四鄉人
張彥復命賦難詩美甚遂知名楊庶夫稱之爲千里駒

洪武中以薦授仁和訓導轉臨安教諭陞周府右長史
師道振舉輔弼有法永樂間以詩禍編管保安久之釋
歸後原職內閣辦事年八十七卒所著有春秋貫珠詩
經正葩圖史管見鼓吹續音存齋詩集行世

清節先生王用賓賓

王賓字用賓鄞人少卓犖不羣甫長博學強記貫穿經
史百家避地村疇澹然自適號水村隱者洪武六年舉
茂才以母老不起既終養復以文學薦授休寧教諭肄
率諸生屹屹忘寢食士不憊而勸秩滿考績廷試鍾山

雨霽詩及秦鶴賦。上奇之。命供奉翰林。以老病。教授
潯陽。卒。門人私謚曰清節先生。所著有書隱西上南遊
等集。

白衣巡撫汪陽復一初

汪一初字陽復。淳安人。少嗜學。以詩文鳴。洪武庚子。守
將薦之朝。上方觀書。命作詩立賦一絕以進。有花影
上階春滿地。讀書餘暇問蒼生之句。卽命以白衣侍講。
踰月。授儒學提舉。明年。以親老乞歸養。庚申。復召見。對
策第一。擢太常寺卿。辭不就。遂命白衣巡撫山西。卒於

穎州 上聞嗟悼賜祭以柩歸葬焉

按察僉事時季照銘

時銘字季照以字行慈谿人少機敏好學能詩及冠漁獵經史未嘗釋手爲文奇正間出變化不窮希古作者洪武二十九年鄞學請職訓導已而赴京和御製思得人詩 上獎諭凡兩召對特授監察御史鞠讞平恕未嘗輕附爰書以疾還里未幾復用薦爲崇仁令三考稱職陞四川按察司僉事風裁益振嘗夢一蒼顏編衣人手持以墨自是文思益進因號所著詩文爲夢墨稿

滄江散人徐方舟舫

徐舫字方舟桐廬人博學能文尤工於詩少與青田劉基游洪武初基被徵過桐廬邀之同行舫荷簑笠以見示無仕進意因共縱酒歌詩而別築室江皋日吟哦於雲烟出沒間脩然若與世隔因自號曰滄江散人天大雪獨泛舟釣江中戀戀終日不忍捨去見者疑其非世間人及卒宋景濂銘其墓稱其詩曰圓熟璀璨如明珠走盤而玉色交映非虛美也所著有滄江集

教授凌彥翀雲翰

凌雲翰字彥翀，仁和人。博通經史，工於詞章。領至正十九年鄉薦，除平江路學正。不赴。閉門讀書，以文翰自適。嘗作梅詞霜天曉角一百首，柳詞柳梢青一百首，號梅柳爭春韻調。美洪武初舉杭州府學訓導，陞成都府學教授。卒。所著有柘軒集。

黃思銘

黃思銘，象山人。身不勝衣，而倜儻好讀書，問學克裕。詩章清麗，纖美無匹。山林枯槁之態，得唐人標格。性復恬退，不嗜榮祿。洪武初，累膺人材明經之聘，卒不赴。所著有

東谷詩集方正學深許之

馬浩瀾洪

馬洪字浩瀾錢塘人以辟賦擅名東南清修苦節開門授徒以給養親之費皓首韋布而含珠吐玉聲價益重所交皆一時名士每過從出游衣冠雜集車從都雅洪獨葛巾草屨高步其間人望之昂然若野雀之在雞羣也詩有大曆以還風致其詞調尤極妍麗每一篇出人爭持稿以去不甚惜故亦不甚傳

王修德

郭士淵附

王修德寧海人與郭士淵皆以文名初太史宋景濂見方遜志之文歎曰真奇才也遂留左右不忍舍去既見修德士淵之文喟然曰吾道白矣林公輔嘗因景濂之言而評之以爲遜志之文如春氣方至津液之色克滿廣宇飛潛動植各有生態士淵之文如蒼鵠摩空飛縱東西初無定適而俊逸之氣自爲人所畏修德之文如月落澄江上下一色淨絕垢氛而清明之氣可掬當時以爲善評

王百源淮

湯胤績張楷附

王淮字百源，慈谿人。長身美髯，儀觀秀整，博極羣書。考索詳密，湯錦衣。胤績亦以博覽善辯名。嘗遇於湖之慈感寺，對語移日，不相下。及語青陵臺事，淮曰：「青陵臺有三，而胤績祇得其二。淮歷歷口誦，無所遺。胤績歎服。他日謂知府岳璠曰：『百源行秘書也。』淮平生好作長歌，下筆輒數十韻，造語奇麗，擅名江湖間。同邑張楷嘗以詩贈之，有「長驅文陣衝韓壁，高立詩標上李壇」之句。年八十而卒。所著有大愧稿，藏於家。

祝蕪州宗善

祝宗善江山人博學能詩洪武間舉文學爲邑庠教諭
秩滿之京館雞鳴僧舍一日客有微服倚闌吟者韻未
竟宗善長揖續之客駭問其名而去翌日傳手詔召
見擢知蘄州府始知微服倚闌者太祖也宗善守塵
介以詩文擅名後坐誣籍其家唯圖籍數卷而已卒復
其官

給事中許廷慎伯旅

許伯旅字廷慎黃岩人洪武初爲刑科給事中以詩名
時稱爲許小杜林公輔嘗觀其感興諸詩問其得何法

而然廷慎曰法可言也法之意不可言也上士用法得法之意中士守法得法之似吾詩箋用法矣識者以爲不妥

檢討周維翰翰

周翰字維翰鄞人永樂三年中浙江鄉試明年會車駕臨太學獻賦稱旨詔禮部所選副榜士就廷覆試擢翰第一命進學翰林預修永樂大典七年除翰林典籍秩浦陞檢討預修兩朝實錄簡牘浩繁翰殫心窮力書垂成而病病既劇猶問史成何如言不及他事而卒翰爲

文根柢班馬出入韓柳歐蘇下筆頃刻千百言當時稱
文中之豪有集若干卷藏於家

吳琬

吳琬長興人勵志讀書不屑舉業築室董塢山與安仁
劉麟金陵龍覓開西孫一元歸安陸崑結社湖南稱吳
興五隱郡守劉天和每有請質必迫其廬琬精邵子皇
極數博極羣書所著有三才廣志三百卷史類六百卷
藏於家

葉維新銘璫

葉銘璠字維新慈谿人永樂甲申進士少以文名詩得盛唐風格每爲舉主解學士縉所稱賞時韓王有梁園之賢一見悅之遂請爲伴讀王改國於涼懇歸得允與祭酒陳敬宗齊名鄭瑒來守郡達庵求見時銘璠杜門已久謝不出瑒曰來求作府堂記耳何拒之深也乃出見惟如平生延至郡齋援筆爲記鄭歎服立碑堂隅其居家動遵禮度不威自肅士大夫語家法之善者以爲稱首所著有詩集二卷居家集三卷

斗南先生胡虛白奎

胡奎字虛白，海寧人，博貫經史，尤長於詩。以學國子監助教，嘗過望湖亭，和東坡詩書於壁間。有老人覩之，曰：「六百年來無此詩矣。」君非斗南先生者，言訖忽不見。故人稱爲斗南先生。

沐陽尉周伯器

周鼎字伯器，嘉善人，少警敏，書一覽輒成誦。既長，以文學知名。時有尚書金公帥兵南征，聞寇，遣嘉興尉以衣謁見，金與語，大奇之，辟置幕府，預參籌畫。號令文符皆主之。未幾寇平，當以功上，會金與他使者不協，抑按

沐陽縣尉。適淮民飢。奏請賑濟。後忤旨。謫道憲。遂罷歸。學
爲文。嚴整峭厲。援筆立就。尤工於詩。浙西文士。洞數
推。其絕句。爲江南獨步。一時學者。多宗之。所著有土庫
集十卷。行於世。

大理少卿楊復

楊復。長興人。刻苦問學。善古文。彈力還古雅。不修恭。續
玄言。空部。無不研解。嘗曰。抄唐韻。數遍。得字義之精。承
樂初。浙江鄉試第一。四年丙戌。成進士。拜監察御史。累
遷大理少卿。決獄無冤人。以比之于公。所著有土庫集。

年十卷

蘓秉衡平 弟正附

蘇平字秉衡海昌人。性穎悟。意氣踈傲。幼時有詠繡鞋詩。膾炙人口。時稱繡繡鞋。永樂間。以賢良方正薦。不就。放情山水間。所著有雪溪詩集。弟正字秉直。工詩文。篤志學問。與兄遨遊名士間。時稱吳下十才子。而平正兄。與焉。張楷式之。寄詩有云。浙詩門逕未荒蕪。獨賴萊餘有二蘇。其雄如此。所著有雲壑集。其門人張寧爲作碑記。

司經正字顧存誠愍 卷之四

顧愍字存誠司諫道之子也少聰警於書無所不讀州
文自雄容視四海 仁宗皇帝俯念司諫舊德詢其後
尚書寒義以愍對詔起之挾裝北上路出藩省進謁愍
野服拜堂下省臣不與均禮愍起立不拜抗聲曰朝廷
起予非庶人役於官者公等不爲禮愍何敢僕僕自便
省臣訝其言意其中未必有也指所坐廳事曰堂名素
微能記之否趣具楮墨令面爲之愍從容就席展紙滿
毫頃刻立就文不更草書體數家俱備衆皆歎曰奇才

也。以上客禮之。陛見。擢司經正字。聲譽自起。然性素剛直。不能隨時俯仰。欲因事引退。幼喪母。鞠於祖母。弟趙中和氏。值中和沒。陳情乞歸。爲之哀忌者。劾以非禮。謫戍南丹。在戍。發爲詩。章幽憂。覃思有柳柳州之情。卒年二十九。有克然子集。葬江岑。塋重其交義。不遠萬里。而其遺骨置諸枕中。歸葬焉。

禮部主事王希範洪

王洪字希範。錢塘人。自幼岐嶷英異。越人以童子薦。歷庠大爲同業生所畏。議嘗從長者游。輒口占詩曰。跣足

拾紫芝拂衣坐芳草。嗟彼塵埃人。蠅營爲誰老。時枕席博胡粹中。一聞器異之。授以春秋。日記數萬言。操觚就十七領鄉薦。明年成進士。授行人。膺薦擢吏科給事中。尋轉翰林檢討。修大典。爲副總裁。尋陞修撰。兼侍講。時上以文學招延天下之士。而四方貢獻日尋不絕。如麒麟白澤玄龜騶虞芝草醴泉頌歌賦辭之作。幸以命洪文學之。臣方病苦於考索。問奇者趾相錯。而洪應答如注。一時諸老前輩咸稱遜折節下之。方洪之爲總裁也。秉筆者位在洪上。無事任決取舍。衆莫敢違。

洪特正不阿至欲載其家乘瑞應之徵洪力言於
以爲不可取信於天下後世緣是見忌居二年遷禮部
主事會大宗伯奉勅巡行關陝凡部事悉命洪敷奏論
事詳明上心奇之方屬意重用而竟以末疾不起卒
僅四十有正上痛惜之故其疾也得賜藥物其卒
復得賜棺且給舟歸其喪皆異數也洪雖負高才乎
時志甚卑而獨抗立朝之節凡朝廷大制作大建議
皆輕徇時好一時視爲重輕使天假以年則其施設
作必兩汰過人者須臾志節不大盡用焉命也奈何

清有敘齋詩文集八卷行於世

大理寺卿夏季爵時正

夏時正字季爵，慈谿人。操履端潔，不尚依違，博學強記，通經史百家文。思紆，詩過盛唐，書迹亦道勁有法。登正統進士第，授刑部主事，歷官至大理寺卿。操履不苟，簡知當宁。時遣十二使行天下，考察官吏臧否，皆選廷臣位高望重者。時正分隸江西，一時墨吏素畏威名，皆望風解去。而狡黠懷怨者，騰飛語聞於上。嘗所黜者，公時正遂自劾請老。其父與誠嘗居杭之仁和，有田在

橫水間時正就居之杜用讀書足跡不入城市嘗巢巖閣於孤山時往還焉凭闕送目屏絕世慮泊如也晚歲文益工人得之若拱璧藩臬諸公欲見不得每就咨焉平生大節高行如龍驤鳳舉爲人所追仰所著有餘留稿太常志三禮儀略舉要各十卷杭州府志六十三卷禹貢詳節一卷葉文莊獨雅愛其爲文以爲如春蠶簇繭
蘭秋鶴引阮云

劉士亨泰

劉泰字士亨錢塘人負奇志特立不羣景泰天順間隱

居武林山中好學篤行肆其餘力於詩精麗奇偉爲詩時絕唱每一篇出則競相傳誦南北之士來客江左者歸必得泰一詩以取重鄉里否則雖金珠滿橐不足誇詡也風雪中蕭然環堵人不能堪泰吟咏自得無幾微憂愁抑鬱之意其高固固不在袁邵公下所著有菊庄晚香雪餘唱和諸集

進士張廷珩

張珩字廷珩更字來卿慈谿人天資穎異讀書一二過輒終身不忘作文有俊才自牖角入庠校負其才氣

若無人前輩亦畏憚之。正統辛酉中浙江鄉試時猶未
冠也。及試禮部。屢不售。益自奮於學。文氣浩瀚如峽江
春流。不可抵禦。時海鹽張寧餘姚魏瀚嘉興姚綬俱有
才名。人稱浙江四才子。天順丁丑始登甲第。未幾以疾
卒。

禮部尚書倪克讓諱

倪謙字克讓。其先錢塘人。洪武初徙實京師。占籍應天
之上元。生有異質。雙目炯然如電。體有四乳。性極穎敏。
書一經目輒不忘。領正統戊午鄉薦。明年賜進士及第。

第一甲三人拜翰林院編修、太閣中秘書、已奉使朝鮮、遠人一觀、丰采竦然、歎服、時有所作、卽席揮洒、略不經意、莫不編頸吐舌、驚以爲神、景泰間、直文華殿、應制賦詩、中官立埃、以進、天順初、累遷至學士、簡侍、憲廟於春官、日進講讀、多所啓沃、已卯、主考順天鄉試、斥黜權憲之子、遂誣構以罪、論戍開平、在謫四年、悠然以詩酒自娛、邊人愛慕如奉所親、士子及門授經者、多所造就、憲廟踐祚、詔復原官、尋與于岳同日奉命入史局、纂修英廟實錄、時以爲榮、進禮部右侍郎、轉南京禮部、建始

高乞致仕卒贈太子少保諡文僖諱平生德量寬洪與
物無競喜獎拔後進聞人一善若已有之博覽載籍宏
中肆外人莫能及而勤敏嗜學至老不衰人以比衛武
公所著有玉堂稿百卷上谷稿八卷歸田稿四十二卷
南宮稿二十卷遠海編四卷藏於家

監察御史姚公綬綬

姚綬字公綬嘉興人少工古文辭天順中第進士爲監
察御史巡鹽兩淮鉤剔積弊淮飢畫策賑濟流民賴以
全活璽書褒美未幾出知永寧以母老辭歸作滄江集

月舟遊泛甚適書國妙絕一時詩文暢逸所著有大集
天人合旨及雜集若干卷

劉邦彥英

趙廷玉霍孟暘俞鳴玉附

劉英字邦彥錢塘人自幼篤學操行高潔其爲詩清奇
俊逸儵然出塵當天順成化間隱居不仕與劉士亨趙
廷玉霍孟暘俞鳴玉結社賦詩英長篇短章備極工巧
名振一時

兵部主事羅邦彥信佳

子緒附

羅信佳字邦彥慈谿人少有異質嘗與同邑桂環鄭

馮瑋時中讀書永明僧舍其四人者講讀窮晝夜一燈
聚首每至夜分信佳獨寢睡達旦及舉所讀信佳背誦
如流至講解經傳四人紛紜未定而信佳卧其旁以一
言決之景泰庚午與四人同領鄉書大理鄉夏時正題
其讀書處曰聚奎堂爲文記之成化丙戌登進士第除
南京兵部主事未幾卒其文字簡嚴人謂其似李太白
爲人和易未嘗以才自矜位不滿德人咸惜之子縉亦
舉進士官至監察御史

石城訓導魏達卿傳

魏偁字達卿，慈谿人。由郡庠生貢於春官，廷試第一，授石城訓導。自幼穎慧，讀書日記數千言，稍長，博極羣書，以文雄於世。爲詩，希盛唐風格，典雅不凡，恒以立言自許。時與學士楊守陳兄弟相和答，甚器重之。偁天性素友，動師聖賢，平生不見疾言遽色，與人交溫厚，樂易致利，誘勢惕則屹然，山立不可動搖。其教石城，以身爲範，學者宗焉。所著有經書僅悟、覈克子茶餘詩話、閱見類纂、小史、雲林詩略、讀史編。

簪冠道人徐延之伯齡

孫伯齡字延之錢塘人號篋冠道人博學強記淵鑒
博尤工樂府嘗雜集楚騷數十枚考其音之中律者
一韋俄頃而協所著有蟬精集二十卷

司理戴孟常經弟給附

戴經字孟常嘉興人御史祐之子也攻苦問學以能文
稱成化丙午舉於鄉歷延平九江二郡司理居官執法
甘澹泊歷任六載獨處官署未嘗以家累自隨公退即
垂簾著書陞秦安知州致仕家居益肆力學問文益工
所著有潯陽餘稿雙湖集行世秀水前未有志志自經

始其弟繪癸丑進士

稼翁洪唯卿貫

父性附

洪貫字唯卿鄞人處士性之子性素博學有文章擅詩賦爲一時名公鉅卿推重貫少受性易學舉成化丁酉鄉試除教鄞州益復肆力爲古文辭陞知從化鎮改政和政和有紫陽西山遺跡貫因表章發揮以經學風勵多士士彬彬起然竟不進得下考歸因擬少陵秋興八首以見志晚結廬東野更號稼翁日哦其間取唐人詩和之殆備好事者爭傳之或丐銘志譜牒以爲重

新編江陰靖江四邑志皆其手筆也年九十卒時猶不
忘摘錄詩文流傳人間有周易解疑附遊清嘯錄太白
山人稿五十餘卷

司訓沈國衡宜

從宜字明德仁和人由歲貢官安慶府學訓導天資朗
敏銳意攻古文辭尤長於詩下筆立就多驚人語晚節
好圖山水多興致頗自珍不輕點筆世亦以此珍之

郡司馬周天雨澤

周澤字天雨嘉善人博學有才爲文清婉詩亦工續錄

和參作第十。出。人。觀。瞻。之。成。化。癸。卯。領。浙。江。鄉。薦。
第一。登。進。士。第。調。襄。陽。府。推。官。三。年。獄。無。冤。滯。陞。福。州。
府。同。知。尋。轉。順。州。卒。

劉季俊杰

劉杰字季俊海鹽人幼穎敏讀書過目輒成誦初學禮
於許伯金復受尚書於邵宏譽經明不售遂弃去專意
學古通聲律書數長於詩文成化改元徵杰修英宗
實錄晚年著作煥然德壽壽康卓爲鄉士夫儀矩云
以翰林院修詞錢與謙福

魏福字與謙其先本嘉興之桐鄉人五世祖德明徙蘇
予養於西園薄氏高祖貴出居放崔灘福因自號崔灘
福生而穎異八歲能屬文長益閎肆凌駕今古波瀾雄
溢鋒穎逼人弱冠補博士弟子員與顧清沈悅齊名時
稱三傑福嘗遊小赤壁對客放歌云六丁板出天地骨
一柱鎮壓吳江東時人以爲奇句年二十六舉於鄉三
十恩省試及奉廷對賜進士第一人福幼時病劇其父
夢人語曰爾子與寬也時吳文定尚家食後連舉省微
二元至是乃應松人在國朝未有第狀元者甫之自福

贈授翰林院修撰三年告歸又四年以大計罷又七年
而終初福之在告也放意山水益肆力爲文藻出入漱
經維志所適遠近購請廷和響答殆無虛日每廣塗期
羣客競請各用幅楮爲起居酢酢交錯不廢諧謔其
隙通續之比酒罷無弗就者當是時福名滿天下從者
如雲雖宿學通人莫不避席相遜而福亦意氣豪悍甚
無足當者居邸中日飲亡何當其醉後衝口恣吻時或
逆人同列皆不堪以故得謗卒於不振然其中心隱憂
寡人所不及者方請急歸恐糾璽關時權輒卸他指

艤舟三日。從者怏怏。欲自啓關鑰。福不可曰。必雷郎至。
郎乃命吏逆郎。是逆天子也。已郎至。大爲媿謝。頗厚
其酒資。以酬福。福却之曰。不獲。豈爲爽。歸止。饋其弟。適
遇郡邑守相。落落不加禮。太守劉琰頗憎之。嘗語人曰。
此白眼兒。奈何負一第。而不置我輩。嗟。則也。獨無急我。
時耶。福不顧而守。偶以事捷丞。丞遽甚已。而丞失官。故
守也。詎守受貲千金。郎使者入其言。幾露章矣。然守嘗
薦節方介人也。福聞之。操一舟至吳門。力爲守。明其無
它。郎使者乃釋守。福亦不言。會守謁謝使。請使者好語。

慰曰知君有胡威之清非銀太史之貴善賈等衆陳
而大息曰不意士大夫之疎我者而投我乎已時歸陳
贈福而福疎守如故初福之與計偕也謁李西涯相公
適有以司馬溫公像求李贊者李即以命福福援筆立
就中有披茅連茹公之在朝青蒲變法公之在野公之
在位是爲元祐公之云亡是爲靖康李大加稱賞以爲
數語該括宋家治亂殆盡爲之延譽於謝文肅公曰此
繪魁才也已而禮闈廷對果占首選

文學董子壬裕

董淞字子壬海寧之錢山人董故饒於貲子壬生而穎異以志自雄很視家產夏然欲自別於富人兒喜賑施慕賢達所交皆海內知名士苟庸劣雖富貴人奴視之加詬訕焉人咸咎其迂淞笑之不爲變獨時時好讀書世所傳書無不窺尤好先秦西京畢魏晉以下不足學時經義程文行天下淞居校中一簡不畜也比舍生問未之誦不一再行則大笑弃去曰淺淺乎兒侮聖訓壯夫羞稱焉有司課誦得淞文誦不一再行則大笑弃去曰怪哉將安所置是淞用是連試輒細弘治中以薦應

數陳王道獻若干萬言闕下天子異之下禮部試會
要路人故淞所奴視之者沮之罷歸既歸自顧生世弗
諸益放誕爲大言廣際天地幽極鬼神遠邇皇王近逮
古今名達罔不評刺或發之詩大篇短章多與雅可誦
然家日落其好施日甚錢粟在側來求者色辭爲可憐
狀聽持去持去盡則又破產以施若不知有家然家人
交謫淞終自若以至喪明乃後已尸居轂食守黑罔光
沒齒無怨言固自號聽光大師喪明三年而卒卒年五
十有六所著有聖學全書真儒蓋語紫陽正脉并詩本

雜稿若干卷藏於家

莫仲璵

莫璵字仲璵錢塘人隱居西湖與劉士亨爲詩酒友每
醉後擊鉢賡唱迭和得句卽高歌於烟水間嘗作讀史
三篇慨然慕謝安石文文山謝疊山之爲人義氣橫發
音節悲壯有古烈丈夫之風

吳文英驪

吳驪字文英山陰人少敏慧博學洽聞才名籍甚工文
辭嘗作東山賦或以爲不下孫興公李文正東陽見驪

所爲賂實王廟碑歎實不置稱爲文章宗匠其志乘傳
記率有體裁好咨訪時事評人物志行散逸不能爲醇
儒而才美亦非諸儒所及所著述頗富而紹興先達傳
最傳

參議吳維新

吳鼎字維新錢塘人少慧嗜學父母念樹子重苦之友
禁弗爲止卒以文章雄一時正德中以進士釋褐試吏
尹臨淮以異等薦司風紀不報時武帝南巡縣次積
食中貴道臨淮者非索甚橫鼎出身爲民遂爲中貴所

証逮繫詔獄廷議白爲還原官以薦擢南刑部主事歷
官廣西布政司參議乞侍養無何以病卒年五十三則
起寒約性頗亮力學自立每危行不疑以哆帽口不恤
也性好文特甚其爲臨淮罷劇猶手一編伊吾治富南
北達路過客時有中原文獻家博文邃古諸名士大夫
輒輒委已交驩與相上下其論旣謝病屏居益專力萃
精償其積志六籍而下九流諸子策士春秋先秦盛漢
之譏古金石竹簡之傳旁逮外家雜說譎誕怪迂之語
罔不餽飲醇酣江左北朝以還唐宋近代諸名家亦皆

央。簪。入。奧。神。誦。作。者。故。其。文。深。淵。大。放。賸。餘。宏。肆。能。盡。
達。其。所。欲。言。每。一。篇。出。學。者。爭。傳。誦。之。郡。諸。老。先。生。辯。
博。能。言。者。自。以。爲。弗。及。也。時。有。紀。述。莫。適。自。任。必。推。泉。
亭。先。生。云。二。子。皆。好。學。能。世。其。家。

太常卿吳仁甫惠

吳惠字仁甫鄞人少孤隨其母育於異鄉備嘗茶苦類
異過人習記誦爲文章卽越流輩舉正德辛未進士
翰林庶吉士授檢討轉國子司業嘉靖初天子方興
用文學惠侍經筵日講多所啓沃陞南京翰林詹事

士歷官至太常寺卿以病卒惠自少雅蘊長公文辭
毫染翰醕相肖大學士李東陽楊一清常以東坡稱之
惠亦以此高自矜許或譏其不能進於道惠亦復譏曰
經生學士如好古者且就左氏司馬讀之何暇及我輩
其文卒自成一家言有北川文集若干卷

陳用明鑑

陳鑑字用明海鹽人性高亢早舉業弗習日馳駿馬蹴
踣擊劍有古豪俠風或慮其終諷日出事公卿禮也
爲省臬掾父兄尤喜爲入鎮鑑曰大丈夫不力學何貴

伏人下。弃弗就。遂閉門讀書。心弗擾。紛人罕見其面者。數年學遂成。至老不廢吟。篇章浩穰。金句波瀾。卓然爲吟者之宗。詩凡萬餘首。總名之曰句溪集。

文學郎仁寶瑛

郎瑛字仁寶。仁和人。生有異質。少長從先生長者。辭有雋稱。選爲學生。博綜藝文。肆意探討。素有疾於遠取。泊如也有愛之者曰。如後時何。瑛曰。吾已委身載籍矣。豈復與少年斷斷乎。甲乙邪。因作脾對。以見志。督學使袁。惜其才。猶欲調羅推挽之。卒謝去。家所藏經籍諸書。火。

章韓家言甚盛日危坐諷讀其中攬要佩華刺瑕指類
辨同異得失著而爲書曰青史哀鉞六十卷七修類纂
五十五卷四方纓綬之士見其書無不願托交者時奸
黨之禁未除瑛獨討革除遺事作萃忠傳以明靖難諸
公之節見者爲之咋舌瑛不顧也正德末寧藩計始萌
芽衆謂不足慮瑛獨以爲憂及聞王文成在嶺喜曰豎
子不足平矣已而果然人始知瑛蓋有志當世而命不
獲遇卒以著述終也惜哉

桂林守華仁卿愛

華愛字仁卿鄞人甫成童輒博識強記其苦於學年二十舉於鄉成甲戌進士歷官職方郎出守桂林政績赫然以抗直忤當路投劾歸日以詩書自娛興至輒拂其所知夷猶於廻溪疊嶂之間見雲蒸霧變木秀草榮欣然以詩文發之精古書法每臨池池水盡黑枯題叶韻往往闕右丞少陵之藩而入其室揆辭吮墨之士方翕然向風而竟以不藥死所著有石窓集若干卷藏之家

朱朴字元素別號西村海鹽人博雅工詩善西爲人澹
嗜欲體癯而修音聲琅琅每一吟咏能令鄙吝坐忘力
精具餐暇或弄笛月中興至則吮墨寫山水小圖懸壁
間絳玩之或作蠅頭小楷題詩其上客有造者請之去
無新色郡大夫高其名懇致之以疾辭且曰吾氓也焉
可與尊官抗禮吾無他能以益若治吾休矣蓋時有官
者多賤士莫肯下賢冥鴻之慕仙仙如也王孝廉文祿
以其趣與詩可方陶靖節有西村集若干卷

沈用之賓國

沈賓國字用之義烏人性英特博閱經史弱冠卽厭舉業攻古詩文嘗遊越謝文正遷一見之喜曰此今之長吉也爲詠雛鳥圖贈之爲詩多奇思不肯作尋常語所著有五經註疏太極圖衍皇極經世書疏文集若干卷提學副使陸舉之欽

陸欽字舉之副使偁季子也甫能言乳媼命之以字百試不爽稍長慧智開發一目輒數行下已卯舉於鄉庚辰舉進士廷試第二拜翰林編修讀書中秘益銳志問學盡覽經史百家言尤砥礪名節以古人自期待預修

武皇實錄成進修撰以議禮忤秉樞遂出爲湖廣按察
司僉事再轉遷山東按察副使職專學校敦本抑末諸
士爲之易趨山東舊無通志歎曰海岱山川之宗也聖
賢人物之望也六經文章之淵也惟茲一方之志而天
下古今之事備焉吾當任茲役矣遂考古課今補遺疏
訛窮日夕不懈比踰年志成而鉞告病矣上疏乞骸骨
不報卒鉞性溫厚和而不流口未嘗言人之短而耐大
之氣侃侃不阿犯履咥之戒曾無則忌卒坎壈以死鉞
素書無不讀爲文與衍宏暢詩則溫醇而典婉畜而諷

有晉唐之風所著有少石集十三卷藏於家

施進士侃

施侃歸安人舉嘉靖丙戌進士少穎悟博學自經史百家律曆醫卜兵家竒秘以及稗官野史無不該覽有得輒書於冊與人談古今如河懸以注滔滔不竭爲文雄渾詩有氣格著青山集若干卷行於世

孝廉沈士明燭

弟煥子士立附

沈燭字士明武塘之麟溪人弱冠舉於鄉卽以郭有
人倫東國自居父乘好行其德燭每陰拓之凡一語

行之善必稱自父出及父卒摧毀倍恒適島夷薄境空
邑走避燭獨號泣扶父柩冒鋒刃以葬室廬篋篋焚掠
俱盡不問也寇劇議築城以守兩弟當分役郡縣須一
言以免燭不肯曰此自爲閭黨生靈計吾家何可不效
奮甫爲父老子弟尋尺謀竟以身代之先後郡邑大夫
高其誼思一見不可得凡十上公車不復藉有司具行
李一切謝却曰曾無益於縣官顧煩公鑑爲長安游衍
費邪居家動遵古禮日闔戶手一編不輟與弟炤自相
師友詩文抽自理學佐以蘇韓不爲雕績書法道逸酷

似未南宮然不漫爲捉筆所至問奇履滿戶外苟非其人卽貴戚梁竇弗許也卒年五十九所著有石齋遺稿行于世子士立亦能詩尤工書法人以此米氏虎兒

翰林編修王懋賢相

王相字懋賢鄞人生而穎慧絕倫少受蒙學輒奮勵誦習昕夕不懈稍長沉酣經典鈎稽史氏而力殫於淵學吐英摘華樹聲桃李嘗讀書高錢山中每夜灼一燈琅琅誦不休飢則拾蹲鴟火而啖之或申旦不寐隣傭厭苦之竊議曰何物豎儒欲以是博官邪聞之迄不變更

德舉於鄉，再上春官，始成進士，選爲庶吉士，讀中秘書，愈自刮磨，如茶攻苦，如寒士爲文，根柢六經，而步武莊列，每意至，卽伸紙濡毫，頃刻千餘言，氣洵洵不斷，辭之騁逸，驥而下坡坂也。壬午，授翰林編修，甲申，以議禮忤旨，逮詔獄，已而廷杖，過楚竟卒，年僅三十有七，有文集若干卷。

尚寶卿戚希仲元佐

戚元佐，字希仲，秀水人。嘉靖壬戌進士，文聲籍甚。初議選館詞林，薦推轂之，忽中旨傳免。後授儀曹，會穆廟

登極典禮多所匡益宗廟一疏深憂碩畫不減賈洛陽
雖報聞罷後世必有行之者已陞尚寶卿告歸居家廉
靖不爲請謁長於詩文又善書画著有青藜閣集

論德姚維東冰

姚冰字維東司馬鎮之長子也母嚴夫人夢五色鳥投
懷遂生冰及長狀貌奇偉資識過人領正德丙子鄉薦
連不第益肆力問學嘗曰讀書常與天下後世爭雄長
一力不足爲也嘉靖癸未遂魁天下授翰林修撰爲經
筵講官積誠感格脫略詞華無進對稱旨歷陞春坊諭

德人方以公輔期之。會丁父艱。以哀毀卒。冰性孝友。六
歲喪母。執禮如成人。事繼母無間言。尚書陰例以嫡凍
讓異母弟。汲以悅親心。冰讀書務爲經濟事。不拘拘文
辭。如邊防海運。皆有定議。作諸邊圖。時有翰林三絕之
稱。謂經學詩學史學也。有明山集石千卷。門人楊維傑
哀其文爲之論曰。漱六藝之芳潤。佩百代之英華。發而
爲文。夸目愜心。埃如喬嶽。浩如長江。融如春陽。烈如秋
霜。明興作者。如公幾人。人以爲知言。

大理寺卿沈遂伯玄華

沈玄華字遜伯秀水人嘉靖壬戌進士少嗜學不問家
人生產登第後屢告休沐閉門著述性善飲嘗左持觴
右執卷伊吾至丙夜意得處輒引滿凡天文地理靡不
綜究嘗考古今方輿自唐虞三代以至國朝其形勝阨
塞要害皆有圖說字法趙松雪晚而極意鍾王終不能
脫故步爲人謙厚不喜談人短仕至南京大理寺卿

支介先生支心易大綸

支大綸字心易嘉善人少穎拔讀書目數行下凡經史
子籍天官地理兵農禮樂九流稗志無不精究嘉靖甲

子學於卿甲戌始成進士試政新曹時江陵秉政嘗進
白燕紅蓮以爲壽論曰官於朝曰大臣不宜稱祥瑞故
移於屬會荒色棄之黃五月蓮固宜花卽不然物非其
時謂之草妖燕爲也白者金象兆爲兵異瑞之有江
陵聞而嘆之遂請教南陽論年考旅以漸除僮遷泉州
司理時承春令以明憤激民變置司飲兵之論不可曰
與民無告撫之宜自定乃舉耕鞋論之亂民萬計舉將
求趙想卽渤海之靖亂弗及也侍郎洪朝選失江陵意
當事者將中以危法論執不職石洪公亮正觀那范長

博之傳、殺之非、臣又爲增異、陳天道、人事、不宜輕殺、大
臣媚人以取容、聞者吐舌、江陵聞而益嘆之、遂中以爲
功、法家食七年、推補江西藩幕、建奉新令、益所斤自謝
時、與上官爭、小民之命、不可得、歎曰、天下事、尚可爲乎
遂拂衣歸、行李蕭然、士民餽金三百、始養、給笑曰、若徒
知學居官、康年、即罷官、康年、在也、堅却之、歸而著書、校
道、清風、魯如子、葬式、康年、嘗報謝、生平偉抱、訂謨、憤
憂、憂結、結於胃、腹而逆、轉於腸、腸者、悉於詩、文中、發、之
華、落、高、雅、詩、辭、新、澹、卓、然、成、其、陳、肯、年、七、十、一、門、美

私謚曰文介先生所紀 永昭兩陵史五十年間朝野
實事爛然大備一以無見衷之知罪不顧外十餘稿三
十卷華平先生集四十卷行於世

工部右侍郎蔡子木汝楠

蔡汝楠字子木德清人生而穎異八歲隨父南雍聽甘
泉先生講白沙之學輒點頭一座大驚十八舉進士授
行人函璽書授齊楚諸王府所至輒按圖眺名山賦爲
詩歌片紙所落人皆曰不減漢之補衡與燕張言河南
高叔嗣毘陵唐順之晉安王慎錢唐許應元姑蘇王省

曾及皇甫兄弟輩時時以聲律相唱和而汝楠之文譽遂翱翔一時已而以南京刑部員外郎出守歸德以強幹聞兩河間無何母艱歸築室前山之麓益發篋讀三代以來古六經孔孟莊列荀楊下及騷選釋老列仙百家之言無不摘其疵類而探其指歸服闋補衡州衡縣僻楚之南服故多才稍稍以經術醞釀之飭石鼓書院與諸生絃誦其中封以內多名山峭嶮祝融七十二峯之勝每政暇數携諸生出游游必有詩令諸生歌詠之以釋所頌人又皆曰是不敵漢之文翁歷江西布政司

舉政聞行郡，孰過鄒東郭。祭酒羅念庵，司諫相與論。遂以究性命之旨，徙山東按察使。再徙江西布政使，歷監察院右副都御史，巡撫河南。召爲兵部侍郎，典戎政。出爲南京工部侍郎，卒於官。汝楠生平好著作，不事生產。自少服官，至卿貳，猶蕭然如書生。四方賓客所共從遊，徃徃若披穆風神解以去，亦忘汝楠之歷官卿貳者所著。有六經札記、自知集、樞管集、白石文集八十卷，藏於家。

同知范孔嘉言

彭輅附

范言字孔嘉秀木人嘉靖丙戌進士居官極落自漢
令改學博歷國子監丞陞大理府同知致仕言博綜經
史善屬文里中以爲嚆矢比部彭輅以文辭相讓輅
宗韓歐有體裁彭宏肆綺麗出入史漢兩家各負筆
相下說者謂范馴謹而彭文肆質樸落極不羈卒歸
以老言所著有菁陽集

沈懋學仕

沈仕字懋學仁和人刑部侍郎銳之子也生而俊邁
讀書厭繩束故不習經生言雅好詩翰多蓄古法書名

國朝夕展玩久之有得乃援筆揮洒風神氣韻絕勝名
家壯年益豪放不羈縱適遊討爲詩緒麗豐腴在大曆
以上點染花卉如黃荃山水筆法清勁師吳道子而胸
中丘壑甚富故結構多奇每言吳越山水淺薄不足以
豁眼界而開心胸於是渡江涉淮東走齊魯登秦岱北
抵燕薊歷九邊周覽既廣學益進而興益豪有購其詩
圖者饋遺累千金仕入手一揮而盡妻子在家不免飢
寒曠然不以爲意先世宦素旣庶仕復不問生產比返
實廬僅四壁立猶以筆墨養其暮年然意所不當者維

賁不爲動士大夫以此重之年七十餘卒

武庫郎中應瑞伯雲鶯

父振肅附

應雲鶯字瑞伯象山人父振肅邑文學有聲生鶯最聰
甫能言卽有大志嘗詣父讀書處見墳典盈架輒指而
言曰會須讀盡此書方是男子父陰奇之及長遂刻意
淬勵六經子史無不綜貫嘉靖辛丑成進士出宰歸
爲神明之政陞車駕主事再遷武庫郎中特北虜馳
數議征討防禦之計贊畫爲多丁內艱歸服闋補原
卒於官鶯儀觀修潔制行端嚴聞道甚早好古文辭

所撰述悉根本六經而步武於遠因理明詞暢刊發
音殆盡所著有臨川集經書講意東塘聲音象川雜錄
孝廉王茂成養端

王養端字茂成遂昌人。側儻負意氣抵掌談古今。滾滾
如懸河東下。攻古文辭。作聲詩。如出唐人口吻。舉順天
亞魁。大學士袁緯每推轂下之。與濮州李先芳。楊州宋
臣諸名公相結甚。惟平生著述甚富。而最傳者有震堂
集山居論

陳山人霍

陳山人名崔會稽人也。生而穎敏絕倫。博綜墳典。窮日夜不休。年十七襲祖蔭得官。官故百戶。非其好也。居恒鬱鬱不樂。得奇疾百療弗效。山人則自爲醫。七年始愈。愈而弃其故所受官。着山人服。人遂稱爲陳山人。山人詩文高古。若騷賦詞曲。草書圖畫。能盡效諸名家。卽其所自娛戲。瑣至吳歛越曲。崔歌菱唱。輓章薤露。讎逐侏儒。投壺博戲。酒政闔籍。稱官小說。與一切四方之語言。樂師。膝腹口誦。而手奏者。一遇與至。身親爲之。靡不盡態極調。至對客談說古今。與言一氣萬類。儒行玄釋。凌

野恢弘。又足以撼當世學士而橋其舌。以故賢豪日造其庭。願得山人片墨。或望見顏色。一談一飲。以爲幸。山人又喜拔窮士。士或往四方。又必借山人片墨。以動豪貴人。每值山人飲。爭舉爵持俎。載筆素以進山人。則板髯握管。頃臾爲一擲。各愜其所乞。而後止。而往復箋札。醉醉去。留目。營心。記口。對手書。又雜談論諧謔。一時雜陳。燦然畢舉。於是軒蓋益集。諸司巨公。卿郡邑長吏。咸銜命之使。有未見鄉緒紳。而先造山人者。山人卧未起。或時就榻見之。諸公既異山人姿高其屢。而山人指顧。

自如雄談闊視雜以嘲詆無不心醉氣折願綢交而去
蓋居家如是者幾三十年以爲常晚游金陵客四年而
不返旣卒同邑徐渭表其墓有曰山人氣雄邁跨諸貴
游似東方朔敏似劉穆之其爲瑣細藝劇忽整衣幘談
理道辨世務又大類曹植之見許淳然三人互有所短
而山人獨兼之若海驪山負者然殆天所縱也邪吾不
能測山人矣其爲名流所欽服如此

項子瞻元洪

弟元升附

項元洪字子瞻秀水人生有至性狷介寡儔不治家產

生處居恒博學嗜古於書無所不窺工詩辭尤好臨摹
古法書草聖每遊戲翰墨尺幅數行人競寶之季弟元
汴傳物好古尤精繪事家藏丹青墨跡每與到輒臨摹
題咏其間自命曰墨林

田督學汝成

田汝成錢塘人性穎敏博學強記流覽百家言覃心作
述爲文沈涵穠郁有齊梁風尤善爲記事書其敘事理
縱橫多雅致兩爲督學使者盛有文譽杭士自弘正來
揚聲藝苑者若許給諫相卿吳少參鼎許右使應元暨

汝成爲最普云。

按察僉事楊汝承祐

楊祐字汝承世家蘭谿曾祖永政徙嚴之建德祖大昇再徙錢塘遂爲錢塘人少英敏博學年十八當嘉靖改元領浙江鄉薦春官不第歸治一室於河渭散列羣籍日流覽其中八年始成進士第試月初生賦天育驃騎獻文翰林庶吉士明年出知興國屢遭讒忌時起時厭僉憲官湖廣按察司僉事以暴疾卒於官年纔四十餘年諡忠文士大夫聞之爭相吊曰文人已矣當是時北地

信陽以古文雄視西土而大江以南則故翰林江淵參
議吳鼎與祐後先崛起與何李重軌而馳初祐之上計
京師也鼎嘗論敘送之以爲買生明國體而匡衡推經
術紹嘉祐軌其楊生祐亦獨喜自負爲文章奔放凌轡
若馳車九折之坂而河決金堤莫之能禦也其議論雄
辯勇決颺起泉湧卒然聞之駭汗愕視至其才用更自
天性他人縱躬已獨奮前矚發穎脫旁不見曹伍然亦
以此見忌身不安位而年不竟才世共惜之所著有端
居興國西曹鄆城濟南西江湖上荆南諸集藏於家

江西左布政使徐子與中行

徐中行字子與，長興人。生而穎警，十數歲卽能舉子業。旁及古文辭，十六補邑諸生。無何，領鄉薦，遂進遊南太學。益爲古文辭，行白晳美姿容，眉目如畫，能飲酒，工諧笑，所周旋無非賢豪長者。以故，聲藉公車，間凡十年而成進士。授刑部廣東司主事。嘗是時，濟南李攀龍、婁江王世貞同爲諸曹郎，以古文辭名行，竊心下之交。兩人最驕，而同年中若梁有譽、宗臣、吳國倫咸來相劇切行。遂取諸草悉焚之。自是詩非開元，而上文非西京，而上

無遠矣。會曹郎楊繼盛者，上書劾相嵩論死，猶在繫。行時，時索糧食之，問一人相慰語，慷慨歎歎泣數行下。相嵩伺知之，怒甚，勿恤也。尋晉員外郎、郎中，而繼盛已得死。行解索歸其喪，相嵩伺知之，怒益甚。遂出知汀州，外艱歸，服除補汝寧兩政，俱以最聞。而相嵩之怒未解也。竟中以察歸。行好客，客時時滿座，稍能綴韻或搯一藝者，至行家如歸。問衣則衣，問食則食，問所虛借則爲草薦書數十函，不倦。行以是益困。母夫人從客語，行曰：「而不念來日耶？而不爲祿且。」上英斷正臣，新柄國，不以

時白見寃狀、勉圖功名、自効而刺促一塵、若水上耶、行
感乃之吏部、選得長蘆轉運判官、三月、遷瑞州府同知、
以母喪奔歸、哀毀幾不勝、時徐少師階當國內、重行超
爲山東按察司僉事、服除、補湖廣武昌武昌首道也、案
積委克宇、行以精心、應之立剖、積資爲雲南布政司左
叅議、寒暑無間、行部出、則用什伍法、練士入、則緩帶延
儒生、講說、執文彬彬矣、以賀 萬壽行、悉留其携書數
千卷、寘公庫、遷福建按察司副使、尋爲右叅政、逾年而
進、按察使、凡三治其省、政益習、歲時讞決、寢平而城西

有積水百頃一山踞之行乃捐俸入創亭榭勝處沿隄植桃柳輕橈徐進與僚佐引觴賦詩閩人指謂使君何必減山荊州哉遷江西右布政使尋轉左領郡至十餘所綰三王國子侯而下祿食供億以千萬計而他所請質平停綜覈頃刻百端造請臺使賓筵館餉無虛日行談笑應之咸歎服以爲神一夕以中痰卒年六十有二橐中無俸餘不能其棺歛時王世懋方分部南康驚而奔以一日夜至力爲經紀其道路費始得歸行孝友敦睦寬然長者其舌有瘡而無否汎愛親仁久而彌篤嘗

時所稱七才子者。行獨莊事李攀龍。不敢以友進者。終其身。宗臣梁有譽。早死。李攀龍高簡。少延納。吳國倫與王世貞。不耐口語。而世貞性復踈脫。卽搢膺者。思甘心焉。而於行靡間言。以故得醖醕稱。一曰國老。和而甘。且善劑也。行於詩格高而調逸。近體弘麗。悲壯讀之神筆。文趨步古昔。所立卓爾。有青蘿館集。續集。天目山堂集。凡若干卷。行於時。

徐文長渭

徐渭字文長。山陰人。幼孤。性絕警敏。九歲能屬文。年十

縣倣楊雄解嘲作釋奠二十爲邑諸生試輒徇而鄉書
不薦武進薛憲副應旂督學浙中大青之名益起永興
胡總督宗憲招致幕府管記室時獲白鹿海上命渭作
表以進上大嘉悅其文旬日間遍誦人口憲以是益
重渭然渭性豪蕩不羈旣直幕府猶時出從諸少年獵
飲市肆幕中有急需召渭不得夜深開戟門以待之偵
者得狀報曰徐秀才方太醉豪囂不可致也憲聞則喜
曰甚善甚善時幕府勢嚴重文武將吏庭見削伏無敢
仰視者而渭戴敝烏巾衣白布潸衣直闕門人示無忌

諱憲常優容之。涓亦矯節自好。無所顧請。然性豪恣。或藉氣勢。以醉所不快人。亦畏而怨焉。及宗憲被逮。涓懼禍及。因陽狂。已乃爲真。尋遘郵舛之獄。幽圜者八年。張官諭元忤。重其才力。援之獲免。旣出獄。日閉門與數狎者飲。噱而深惡諸富貴人。自郡守丞以下。求與見者。皆不得也。人多以是怪恨之。晚絕穀食者十餘年。人間何姑曰。吾輩之入。偶厭不食耳。無他也。尤不事生業。客幕時。有餽之洮蕘十許疋者。遂大製衣被。下及所僉私。簾之服。靡不備者。一日都畫。及老貧甚。弔手自給。然人

操金請詩文書画者。值其相裕。卽百方不能得。遇窘時。乃肯爲之。所受物。人人題識。必償已。乃以給費。不卽償。餒不妄用也。有書數千卷。後斥賣。殆盡。情荒。破弊不能再易。至藉藁寢。年七十三卒。涓初坐法。繫獄中。憤懣欲自決。爲文自銘其墓。有曰。涓爲人。度於義無所關。時輒踈縱。不爲儒縛。一涉義所。否。雖斷頭不可奪。平生有過。不肯掩有。不知耻。以爲知。斯言蓋不妄者。其自名如此。涓於行草書尤精。奇偉傑。嘗言吾書第一。詩二。文三。画四。識者許之。涓歿後數載。楚人袁宏道來會稽。得涓集。

讀之稱爲有明一人國之傳有日文長旣已不得志於有司遂乃放浪趨蕤恣情山水走齊魯燕趙之地窮覽朔漠見山奔海立沙起雲行風鳴樹偃幽谷大都人物魚鳥一切可驚可愕之狀皆達之於詩其胸中又有一段不可磨滅之氣英雄失路託足無門之悲故其爲詩如嗔如笑如水鳴峽如種出地如寡婦之夜哭羈人之寒起當其放意平時千里偶爾幽峭鬼語秋墳文長眼空千古獨立一時當時所謂達官貴人騷士墨客文長皆奴而叱之耻不與交故其名不出於越悲夫所著

文長集、關編、櫻桃館集、註莊子內篇、參同契、黃帝素問、郭璞葬書、各若干卷、四書解、首榜嚴解、各數篇、皆有新義、渭貌、修偉肥白、音朗然如喚鶴、常中夜呼嘯、有羣鶴應焉、二子曰枚、曰枳、

翰林院修撰沈懋孝

沈懋孝、平湖人、自幼明敏絕倫、讀書數行俱下、一過目輒不忘、爲文洋洋纚纚、宿學覩之皆避席、年十九舉嘉靖乙卯鄉試、壬戌捷春官、不廷試、歸隆慶戊辰始入對、大廷選庶吉士、歷翰林院修撰、與試南畿、中盡語、謫

兩隄連拂衣歸。憑孝生平無他好。唯爲讀國史。自金匱
石室之書。以至名山大川之藏。無不搜羅研究。其傳洽
近代。無比。故屬文最富麗典則。每有乞其文者。輒引經
疾書。不經思索。不加點竄。視其紙之長短。必竟紙乃已。
與客談古今事及品評于史。則議論風生。抵掌不倦。賦
性超超塵外。不問家人生產。卽千金在前。頃刻散盡。以
故家日落。里居近三十年。戶外事絕。不與聞朝夕。苦吟
不減諸生時。所著有長水集若干卷。行於世。

方太守九叙

方九敘。雖塘人少。卽慕古修辭。冀託不朽。長與海內諸
名家唱和。甚有聲釋褐。除兵部主事。守山海關。明習邊
務。將幸憚之。聿舍貯穀。散種食於民。不徵其息。比代。盡
下號哭。擁馬首不得行。僞留傳舍。乘夜間去。積官知承
天府。性抗毅。直行屢忤巨璫。遂投劾歸。益討故業。易耕。
鹿入冲雅。居然稱大家。爲人高朗。善論事。當其抵掌上
下。古今千百年如身處其際。而爲之折旋。負經濟之志。
不究其用。世共惜之。

袁州司理徐茂吳桂

徐桂字茂吳餘杭人形短鰲瘠偏盲而性警敏讀書一過目輒上口博綜經史工古文辭登隆慶辛未進士第授袁州府推官堅正不阿每執法失上官指遂投劾歸僦居杭城之東隅地幽僻有亭池竹木之勝亭中列古圖史金石遺文與商彝周鼎雜諸法書名画日婆娑其中有潔癖巾幘衣服無不精楚客有過之者先使人謁覲衣服新潔方便使前促膝無所忤及去猶令人交拂其坐處衣垢親寢者避之如仇人以是怪恨之不數年尤以高簡自持郡邑將初至公譟外無半刺人亦以

是莊重之興至發爲詩歌齊聲漢魏六朝間天寶大曆
以下不使一字入筆底海內慕其名以碑碣版刻來者
者非其人千金不與也詩尤長咏物古人咏物率以通
言而桂蠹以七言尤難鍛鍊句字無不工者西湖十詠
膾炙人口屬和者數十家終不及也所著有詩文雜稿
數十卷行於世

太學茅穉延翁積

茅翁積字穉延鹿門先生長子鹿門以文章名海內而
翁積才更高名駁駁出鹿門上性嗜酒飲數斗不醉醉

輒漬筆爲詩文數萬言立就人稱爲李謫仙之流翁積亦以謫仙自命不可天下士醉見人輒罵見尊貴人益大罵不少屈未幾以諸生高等推入南國學爲都講與院妓狎遂置別室時微有不能容者遂構誣以獄死論者曰李謫仙藏郭汾陽於卒伍其識力固高天下方其脫靴殿上時目中安知有天子耶才士豪氣不除竟被謫請死非不幸耳第當時無汾陽已從永王璘族矣翁積負謫仙才目中未嘗見天子安論有無第以豪氣處一世遂因脫輻馴至覆車盈死之寬痛於夜郎遠矣

時無汾陽其人遂使豪傑之士身填牢戶士之於知己
顧不重哉。翁積死幾五十年詩文猶膾炙人口惜多散
佚者所存僅芸暉館數卷而已其所作自敘文蓋獄中
絕筆也

布政司參議吳明卿國倫

吳國倫字明卿其先嘉興人以祖戍湖廣興國州遂家
焉生而穎異讀書一目數行俱下童卯卽善屬文宿儒
讀之無不神聳曰此兒文中繡虎也二十省試第一明
年成進士釋褐尚書郎閒育無事益肆力古文聲震是

時作者蓋有七人而齊則有李攀龍于鱗謝榛茂菴與
則有王世貞元美維揚則有宗臣子相吳興則有徐中
行子與南越則有梁有譽公實明卿以生於楚遂稱楚
材並集都下籍甚縉紳間茂菴布衣之俠爲于鱗嚙矢
于鱗獨建旗鼓元美副之明卿子相屬鞬弭中原不相
遘舍而子與公實爲之雁行蓋于鱗法元美儔子相豪
子與公實淳而明卿雅矣其宦轍所至歷燕楚閩粵貴
作大梁幾半天下故詩文老而益雄年五十四卽謝去
岳歸高卧下雉之數以騷雅風動一世者垂十餘年而

後李廣著有戲觀編若干卷新安許相公序而論之曰
國初劉宋輩出洽覽羣書仍元舊貫時謂博雅弘正之
際李何挺生徐薛嗣起追漢魏晉規魏纂唐時謂古雅
爰及嘉靖作者七人唯心扶肝窮工極變思務出奇語
必驚衆雄視後古目無當代時謂高雅而明卿詩循循
乎有玄暉摩詰之風焉其文稱是謂之爾雅始安張鳴
鳳亦曰百世而後如獨舉詩七子間焉古中程首稱精
雅者含明卿其誰或曰師曠調鍾知音期於異代知言
夫知言夫

誥贈工部都水司郎中沈澄夫濬 子孝徵附

沈濬字澄夫海鹽人生有雋才髮未卅吐語卽憂憂畏人老儒不能辯督學使者畢鐸試而奇之取冠博士弟子其後吐語益曳曳讀而知之者絕少試益拙乃聚其稿燒之去習秦漢人詞益出於奇惟神行鬼從蛟聞過奮其指細天地少萬物翻倒皇帝王伯重闢日月而斬之每捉筆伸紙呼吸數萬言立就未匝歲所著滿篋家人弗戒燔於火以告且請死弗答顧命益紙連屋無何所著復盈篋又燔於火乃罵曰咄咄祝融子何妒乃亂

蕭蕭能矯吾慶耶自是意所剗剗口以授其子孝徵希
復執筆而孝徵生六歲卽能與父屬句父喜摩其頂曰
吾兒出語有奇氣不規乃翁第而翁祝於奇終身弗食
爾慎毋以奇自喜以爾之才而降心帖括取青紫如拾
芥爾緝紳筆舌易爲聲價由素所降心者以凌駕古人
當雄視一世矣而翁未竟之志在爾小子其勉之孝徵
拱手而應曰諾於是歛其奇崛紆爲恬雅十九試博士
卽冠其曹戊子領鄉書兩上春官不第益潛心正始之
音戊戌歲二甲進士釋褐工部都水司主事註選簡六

科廊事兼管

乾清

坤寧二官

工程督造

香山公主

墳越二年奉勅督理清江漕廠兼理河道三年陞本司
郎中奉勅督理南河管淮揚河道明年以病予告起補
本司正郎奉勅督修 顯陵尋陞河南按察副使整飭
撫民兵備分巡汝南道推陞陝西關南道叅政會中蜚
語歸家聽調兩臺交薦卧不應堅遜凡十二年一日以
微疾終孝徵天性篤孝以父貧而好施務有以繼其志
凡俸入所餘悉推以周姻族閭里之貧者居官勤穉所
至除奸剔姦不遺餘力取予之際一介不苟每日余不

敢以苞苴之微汚吾清父且余素奉教於君子矣清以
持已勤以服官如是而已故其督墳香山也中官憚其
清核不敢肆侵漁工凡十月告成而昌平守者例以廩
給百金進孝徵佛然曰食常祿而勞王事何用此廩給
爲其受事清江也中流擊楫自矢曰當今稅璫橫行飛
而食人民不堪命寬卹民力爲今日第一義苟虐商民
而潤私橐者如此米及入署而情竊有禁漁獵有禁建
酒廠條議數千言娓娓皆爲碩畫所節省歲以億萬計
而稅使魯保乾兢兢虎視率諸無賴潛偵所轄事宜將梗

我清政孝徵乃燕而執之悉抵於法由是橫瑣屏息盡
淮南北之人始帖席臥三年報代往例四總予千金奉
使者爲都下交際費孝徵見之怫然曰堂堂使臣襲此
陋規縱面目可飾如屋漏何且曰吾懼無以見吾父地
下也其清以成孝類如此然性耽篇詠卽執掌不廢淮
揚多水嬉長橋風月甲天下每公暇輒命小舟具肴核
酒茗同四方之騷人墨客騎雀於是者爲汗漫游酒醺
耳熱輒拈題擊鉢詩後成者罰以金各酒數鉢響方鏗
孝徵往往先就同賦者讀之無不心折也篇章之夥每

世傳民間婦人孺子皆能歌之曰此吾沈使君之與廷
同樂者矣。當是時孝徵之文名滿天下。益高自矜許。下
視俗吏如水火。竟以是被誣。歸不色愠也。每慨然曰。吾
父苦心一世。文光化爲祝融。竟無一字留爲楷模者。吾
不肖。得以文章繼先業。使不傳於父者。傳於子。則父死
之年。猶生之日矣。何幸如之。至於升沉通塞。安足介吾
慮哉。故疾革之日耳提諸子曰。若輩辛苦讀書。毋墮祖
若父之聞。一語不及私。及卒。紹紳士大夫。毋論識不識。
皆曰。東海之文淵淵矣。所著有玄暢閣集。行於世。他如

疏議雜詠啓牘牋奏論辯序記等篇其子孫銓延錄而集之曰天放新編若干卷藏於家

光祿寺署正卓徵甫明卿

卓明卿字徵甫仁和人美姿觀眉目如画有衛洗馬風爲人烈亮薄章句竊與豪子弟學騎射劍術父賢覺而督責之曰少年子不守檢柙事詩書而慕豪俠之行夫士有鳴玉簪筆侍金華安事兵明卿始折節閉門博經史氏頗交傾海內豪傑近則杯酒醪遠則竿牘謀失一名

或謂明卿之士或不爲明卿知至相請不比於人

鍾信陵執轡鄭莊置驛不是過也初爲舉子業與兄
燕文卿同舍孝廉肅精一業而明卿性踴躍爲文直
胸懷以是不合於果忝徧時時好稱詩暇裁斷自大
初爲國子生賦桃溪書屋詩詩聲滿留都及北上拜
光祿游日益廣諸名公咸忘年折行與明卿結爲盟
稱詩長安市中尋乞歸侍養晨昏奉七箸操几杖者
十年父賢家埒素封爲人抱機不游稅苑至明卿喪冠
蓋好文章交游入則接躋園時連驢居左右多窄狹
輒執籌算肆私語舉家見不類舉凡其衰乎乃相與

誦笑去時有鍾生懋者青士好儒詩母被祟雉經頰姑
素勃谿緣坐於生罪死明卿故善令陳請啓禁視故人
日暮故不出令趨之曰吾以父老故白孝子寬十年不
得信今又不幸死此身已許故人寧與俱繫耳令歎曰
有死友而無生親乎是夕深文解而生得論戍塞上然
明卿與生實未之識也於是遠近咸誦公誰謂卓郎夸
毘子哉儒則通儒俠則節俠過乃翁長者矣父艱服闋
補光祿寺珍羞署正以疾卒明卿天性亢爽恒乘單舸
香爐茗椀浮家吳越山水間累月忘返又稍喜遊于酒

人家藤蘿懸與客浮白放歌聲出金石時發詠諧談言
微中淳于生東方曼倩之流乎中歲習禪寂結石禪庵
樹託蓮花貝葉間是將以無生竟矣而竟死是必有不
死者存耶所著有卓氏落林唐詩類苑卓徵甫文集續
集北游稿行於世

東臯子殷方叔仲春

殷仲春字方叔廣西叅政近仁之裔生而澹泊喜讀書
工詩文慕隋東臯子之爲人自號東臯子隱居教授後
嘉興郡之社南並屋葭牆不蔽風雨每携數十錢行遊

市中購古帖殘書補葺讀之往往申旦不寐聞者笑以爲迂漫弗顧也精於醫遇人無貴賤疏數靜風雨冒寒暑雖委巷渾室必往往則惟操舴艋小舟平頭奴子而已或曰盍不爲豪態以瞰里中兒仲春曰隱於臺隱於壁車畫舫乎且令病病者兼病貧我不忍爲也刀圭所授無不立起人然不索金錢不結藥費所居差鄰姓視而席帽敝裘如故天性孝友父歿喪葬如禮悉以身肩之不煩諸季母病篤露禱告天請移十年之筭以益母母霍然起果十年而歿一日火震於隣遠近奔捍仲春

家本瑤瑤登悉移去火滅仍歸之尺寸無所失人以爲
盛德之報仲春雖隱然博通六籍百家言精綜古詩
賦與至提筆往往追步古人黃學士洪憲以詩文名家
慎許可得仲春葆楮一賦讀之大奇曰不意菰蘆中復
見此異人因時時與往來微察其隱多非文章士之所
能及者大嚴重之爲立傳縣志隱逸中時沈大司馬恩
孝歸客有諧者曰一醫師而登志書大可異沈司馬乃
微服訪仲春闢其戶陋室也叩之無城府醇謹樸愿人
也徵其書皆丹鉛手自乙也其詩文漢魏六朝伯仲間

也沈司馬大悔知仲春晚暮拜迎至家嚴以上客之禮
且數曰使邑志盡如殷先生者吾可無憾矣凡志事生
者不立傳生而立傳者謂其貧不改操也自殷仲春始
卒年七十有一所著有墨風品藻有醫藏有續醫說食
編有集數十卷藏於家

吳少君孺子

吳孺子字少君蘭谿人幼從父一源歲貢上京師父
痺遂扶侍歸大父明由省薦俱不及授官卒孺子質樸
薄更與屬相屬習類不問家人生業盡粥其田廬生子

不育妻妾俱天歿遂以無家徒侍遊而孺子雅聞諱
雖自秘外若不激亢中實堅卒不肯趨迎人之意顧
又無所挾以傾動當世以故游道不振而身益貧
孺子爲兒時父不用經史課孺子獨以杜詩一編授之
孺子遂工詩至是以貧益王而游益不振所至率寓
廬中不樂止富貴家卽終日不再炊累歲不更製意
靡懈也善圖尤工雞鶩性最巧所規制必精絕一
瓢飯爲志携過荆溪爲盜所擊破携李人猶實售之
太倉王元美爲作破瓢道人歌一離奇曲拾燒餘
枯槎爲之懸明

看房爲之銘。一曲几萬歲。騰爲之前。勝榻上可憑而摩焉。它物不可名舉。孺子嘗自稱古公輸般。何以過我。及卒。諸奇物俱散失。獨遺稿若干首。海鹽錢懋穀刻而存之。而甬東沈嘉則爲之序。略曰。少君詩。吐自胸臆。讀據實際。景必心會。而情與事偕。然後韻而成之。不虛設。無贅泊。蓋深得杜少陵之幽峭。而口吻略無所侵。故言雖辛酸。色不枯槁。意則悲涼。氣不萎靡。每讀之。如置身殘嶺。俯耳清籟。小雨入林。孤雲度嶂。使疲者忘倦。勞者息肩。雖飄寄僧僚手。而風形貴介。視世之游者。借交臂使。

不同。且語矣。海內知吳少君者。率以嘉賜之言爲不阿所好云。

兩浙名賢錄卷之四十七終